

Molaodi wa khamphani o laeletšwe go lefela tšhelete go SARS

Tshwane, 19 Agosetose 2021 – Molaodi wa khamphani o bonwe molato morago ga go romela pušetšo ya VAT ya go laetša lefela mola kgwebo ya gagwe e be e le gare e gweba, gomme o laeletšwe ke Kgorotshoko ya Selete ya ka Bloemfontein go lefela Ditirelo tša Motšhelo tša Afrika Borwa (SARS) palo ya R400 853.

Lefa Tsaoane, yo e lego molaodi wa khamphani ya dijo le bodulo bja marobalo ya Above Limits Trading CC o latofaditšwe ka ditatofatšo tše lesome (10) tša bomenetša maabane (17 Agosetose) gomme a ahloletšwe mengwaga ye 5 kgolegong, a fegwa mengwaga ye 5.

Le ge go le bjale, morago ga dinyakišišo tša bosenyi tšeo di dirilwego ke SARS, maemo a go išapele a kahlolelo ya go fegwa e bile gore molatofatšwa o swanetše go lefela SARS palo ya R400 853, ka tefelo yeo e swanetšego go lefelwa ka goba pele ga la 28 Feberware 2024 ya R 200 426 gomme palanse e swanetše go lefelwa pele ga la 31 Agosetose 2026.

Molaodi gape o ahloletšwe go kahlolo ya go arogana ya kgolego ya dikgwedi tše 6, tša phego ya mengwaga ye 2.

Khamphani e ahloletšwe kotlo ya R500 000, phego ya mengwaga ye 5, le go fihla go R10 000, phego ya mengwaga ye 2, go kahlolelo ya go fapana.

Khomišinare wa SARS Edward Kieswetter o rile setheo se šoma ka thata go nolofatša obamelo ka go fana ka tlhaloso le tiišetšo go balefela motšhelo go fihlelela boitlemo bja bona. Fao balefela motšhelo bao ba sa obamelego ba amegago ka bomenetša, setheo se tla kgonthiša gore ba otlwa ka botlalo go ya ka molao. Se se tla ba thatafalela gape se tla gore ba lefedišwe kudu.

“Re ka se se kgone go kgotlelela phuhlamo ya ditseno nako efe goba efe, kudu ka nako ya bjale fao naga e lego tsošološong ya ekonomi gape e lebanego le ditlamorago tša leuba la Covid-19.

“Maitshwaro a mohuta wo a ka se kgotlelelege kudu ge mmušo o fana ka kimollo go dikhamphani tšeo di amilwego ke dikgaruru le leuba,” Mrn. Kieswetter o boletše bjalo.